


CANTIQ

VAR CREASION AR BED,

Tennet eus an Testamant ancien ha neve.



Var un ton majestuous



JARDIN fleurissant ha santel,
 Ennoc'h an Eternel
 A grouas an den en e imach,
 Dre ur guir garante,
 Evit peupli ar Barados terrestr
 Demeus e vugale.



Adam en um vel e-unan
 Ep plijadur na poan,
 Nemet e veva en em vel souezet
 En eur vro fleurisant,
 E vise er bed manet cousqet
 En eur ravisamant.



Doue deu eb en difuni
 Nac e interrompi,
 Hac en deus tennet eur gosteen
 A g'ichen e galon,
 Ha formet ganti ur femelen
 Charmant e pep fêson.



Adam pa remerqas Eva
 Zo savet en e za :
 „ Me vel ar c'hig divar va esqern,

„ Eus a ze me zo sur ,
 „ A zo formet din gant va C'hrouer
 „ Evit va flijadur. „



Adam a grog en dorn Eva
 „ Evit e cherisa :
 „ Demp on daou, va fried, d'an caulin,
 „ Dirac ar guir Doue ,
 „ Evit galout obteni grasou
 „ Digant e Vajeste. „



Doue' venigas an daou den
 Da chom er bed da ren ;
 Ha na ro dêze evit dever
 Nemet ur gourc'hemen ,
 Dont da renta homach d'o C'hrouer ?
 Ennes eo o lezen.



Doue deu da hervel Adam

D'em em viret divlam :

- „ Qement a meus crouet er bed-mâ
 „ A zo dit en antier ;
 „ Nemet ma teuan da reservi
 „ Ar froezen saluter.



- „ Zont a ràn c'hoas da repeti :
 „ Èvessa pis outi ;
 „ Maleur dit ha da oll bugale,
 „ Mar goees er pec'het ,
 „ Ujet e vi d'an oll vizeriou ,
 „ 'an naon ha d'ar sec'het.



- „ Avertis da bried Eva
 „ Eus ar pezh a laràn :
 „ Te a ranço respont eviti ;
 „ Bez fidel d'am lezen ,
 „ Ar vreg so fragil hac inconstant ,
 „ Pa zê ur femelen. „



Adam a grog e dorn Eva :
 „ Deut ganén , emeza ;
 „ Setu aze ur veen divin ,
 „ Ar froezen saluter ,
 „ Pini a zo rezervet ouzimp
 „ Hirie gant hor c'hrouer.



„ Menaset en deus ac'hanôn ;
 „ Selaouit e gomzou :
 „ Maleur demp ha d'on raç antier,
 „ Rac mar be profanet ,
 „ Teuomp da vea sujet d'ar maro ,
 „ Da oll vizer ar bed. „



Eva a gomansas sponta ,
 Pa glêvas qemenma :
 „ Pellaomp eus ar veen divin ,
 „ A froezen an Otrou ,

„ Pa na reserv ouzomp nemeti
 „ En e c'hourc'hemennou. „



Retornet int bet adare
 D'o deumeurans nêve ;
 Deur c'hastel formet en eqilibr ,
 Evel pa ve eur c'havel ,
 Giêt eus a fleurjou selestiel
 Gant dorn an Eternel.



Lojet int evel an æle
 En barados Doue ;
 N'en deus entreze nep diferans ,
 Met Adam hac Eva
 A ze laqêt er bed gant Doue
 Evit multiplia.



Eva a sortie bemde
 Er jardin da vale ,

Eneur ober eur sel eus an ên,
 Rei ezans d'ar C'hrouer,
 A voa disqet dei gant e fried;
 Ennes eo e dever.



Un de e sorti da bourmen,
 Eb observ al lezen,
 Hac y o rancontr ar serpent,
 Figur mignon ha gyê;
 An discours a eure da Eva
 Zo qer d'e bugale.



„ Salud did ; perlezen divin ;
 „ Rouanez ar jardin ;
 „ Ar statu beo demeus ar C'hrouer,
 „ Te eo ar g'enta greg
 „ A veo savet dreist an oll æle,
 „ Ma pe taved ar boed.



„ Balecomp en douar a c'hloar

- „ Qent mont da vit da bar ;
 „ Souezet vo o clêvet hor merveillou ,
 „ Pa pezo grêt da dro ;
 „ Car me a voar goelloc'h evidout
 „ Doare da dênzoriou .



- „ Sede aze ur froezen vad ,
 „ Digor da zaoulagad ;
 „ Tol eves rac na ves re c'hourmant ,
 „ Mir un tam da pried ,
 „ Hac er c'hlêvi o cana musiq ,
 „ P'en devo taveet . „



- Adam pa vel Eva erri
 En devoe joa outi ;
 En eun ober ur reproch mignon :
 „ Pell ec'h eus daleet ;
 „ Eva abars debri ar froezen :
 „ Dal un tam , va fried . „



Adam evel ma taveas ,

En em santas en noas :
 „ Pelêc'h oude bet , malevruses !
 „ Me a zant ar vizer ;
 „ Digasset ac'heus din da zibri
 „ Ar froezen saluter. „



Neuze souden ar speret malin
 A veljont e c'hoarzin.
 Eva a gommansas da grial
 Gant spont ha gant horreur :
 „ Sede aze ur monstr infernal
 „ A zo cos d'am maleur. „



Adam a gouita e bried
 Da vont d'en em guzet
 Etouez un toullat deillou fiez ;
 Mar lavar en eur vout :
 „ Mar clêvan mœz va mestr o c'hervel
 „ Ne gredin qet respont, „



DOUE.

„ Adam, Adam, petra c'heus grêt
 „ M'out êt d'en em guzet? „

ADAM.

„ Doue! va Mestr, Crouer divin,
 „ Me n'en don qet qiriec
 „ Eus an dizurz hac eus ar frajilite
 „ E deus grêt va fried. „



DOUE.

„ Ma pije heulliet da reglen,
 „ Observet va lezen,
 „ Ne voa qet da galon qer mantret
 „ Evel ma zê hiric,
 „ O veza bet roet da pried
 „ Re eus a liberte.



- „ Pa c'heus profanet ar froezen,
 „ Toret va gourc'hemen,
 „ Te renqo quitat ar vro neve,
 „ Elec'h ma voas crouet;
 „ Rac an douar a zo qer santel,
 „ Na soufr qet ar pec'het.



- „ Brêma da banchant naturel
 „ A raio dit ar bresel;
 „ Al lezen a po da observi
 „ A enep an natur:
 „ Maleur e vo vit nep e zoro
 „ O clasq e blijadur.



- „ Perac, femelen disordren,
 „ E tores va lezen?
 „ - Doue, va Mestr, va C'hrouer divin,
 „ Mes ameus o laret:

„ Gant ar sperét malin infernal
 „ On bet solisitet.



„ En punision da pec'het ,
 „ Cossa ri var ar bed ;
 „ Accablet epad da yaouanqis
 „ Gant ur galon mignon ;
 „ Ha ma roes dei e oll deziriou ;
 „ E po confusion.



„ Ouspen , pa groui tud er bed ;
 „ Te a vo oblijet
 „ Da zont d'o g'enel en bugale
 „ Er brassa tourmanchou ,
 „ Ha ne alli bea consolet
 „ Nemet dre va hano.



„ Sortiit er mès , tud ingrat ,
 „ Hac it da labourat.

„ Aboe m'o c'heus debret ar froezen
 „ Oc'h er pec'her marvel;
 „ Na ne zisqenno qen evidoc'h
 „ Ar mân celestiel. „



Chassect ê an daou den mortel
 Eus an douar zantel,
 N'o deus qen satisfacsion
 Nemet sonsideri
 Emaint laqet er bed gant Doue
 Evit en eur gonsoli.



Scuizet o vale dre ar vro,
 En douar disolo;
 Hac y o daou o commans crial:
 „ Doue, Crouer ar bed!
 „ Pelêc'h ec'hañ an daou graouadur
 „ Oc'h eus abandonet. ? „



En em brosternet int neuze
 Dirac ar guir Doue ,
 Eus e bedi gant humilite
 Eus a greiz o c'halon ,
 Pa voant oblijet da labourat
 Disque dê ar fêson.



Guelet a reont o tisquen
 Divar ur gouabren ,
 Gabriel o deus anavezet ,
 Pa voant en inosans ,
 A lar dê evit o c'honsoli :
 „ Esper er Brovidans. „



Sellaouit moez an Eternel ,
 Bugale infidel ;

N'en doct'h qet gantàn abandonet;
 Digas a mi e vab
 Aben an nombr bras a vlaveziou
 D'o prena gant e voad.



Qement en devoa prometet
 A zo bet aruet.
 Deus eus Verc'hez glorius Vari
 Ê ganet ar Messi
 Doue ha Den ar Verb incarnet,
 Evit or c'honsoli.



Cazi pemp mil bla ez omp bet
 En eur memes sec'het;
 Mes Jesus-Christ maro evidomp
 Dre ur guir garante,
 A zo etablisset en e galon
 Ar feunteun a vue.



Saludomp ar vezen divin
 Var bennou on daoulin;
 Adoromp en eur memes guezenn
 Ar froezen saluter,
 Evit mezur bugale Adam
 E teui var an oter.

AMEN.



E Montroulez, eus a Imprimeri LÉDAN.